



有一幼童遙見如來晃然顯赫威神巍巍端正無倫諸根寂定志性惛怕獲上調順第一靜冥降伏諸根如仁賢龍象如大淵淳清澄無垢有三十二大人相八十種好徧布其體如日出時光曜弈弈與大衆俱如星中月時一幼童謂二童曰汝等豈見如來來乎是者

則為一切之尊無上衆祐為世福田光明灼灼焯焯難當吾等僉然宜供養之其進施者利慶弘大以頌讚曰

斯者衆生尊 福田無有上 常共俱供養 施此祿無量

第二幼童曰

今我無異華 亦無雜澤香 斯聖無等倫

當何以供養

於是一童即脫頸上所著珠瓔價直百千以

頌讚曰

當以此供養 無上之福田 何所明智者

見斯有所恪

惟八

於時二童效彼童子各各解脫頸著珠瓔以手執持而歌頌曰

具供養正覺 度汎制江波 脫無量心意 住于平等法

尔時一童謂二童曰汝等以斯德本何所志求一童子曰

其在世尊傍 右面大聲聞 智慧尊第一

吾誓願如斯

二童子曰

猶如世尊傍 左面大聲聞 神足超最尊

吾身願如斯

於時二童謂一童曰族姓子以斯德本欲誓

何願一童報曰

如今者如來 至真等正覺 普見一切達

猶若師子步 照曜大衆聖 吾身誓若斯

三界尊第一 度脫諸十方

時一幼童適說此已尋虛空中八千天子俱

讚歎曰善哉善哉快說此言今仁發意天上

世間悉蒙救護

佛告舍利弗時一切達如來正覺邊有侍者名曰海意博聞最尊而告之曰寧見三童各執珠瓔而遊來乎對曰已見天中之天世尊告曰比丘欲知中央幼童建其志性巍巍難量一一步中超越百劫終始之患其一舉足

惟八

三

功德之本當更百臨轉輪聖王受帝釋位亦復如斯昇生梵天為梵天王亦當如是一一舉足功德之本更見百佛時三幼童往詣一切達如來所稽首足下以寶珠瓔散世尊上其發小意為聲聞者所散珠瓔住兩肩上其一童發諸通慧心所散珠瓔在於佛上虛空之中變為交露重閣棚帳四峙周彰莊嚴平等化於其中而有牀座如來處之於是一切達如來尋如欣笑侍者啓問唯然世尊以何故笑笑會有意如來告曰海意汝觀於斯二意發聲聞意手執珠瓔散如來乎對曰已見大聖又告比丘欲知二童懼生死難發怯弱

意意求救護猶是不發無上正真道意欲得聲聞為尊弟子然後來世皆當得證一者智慧最尊二者神足無雙

佛告舍利弗卿意疑乎時中央童發諸通慧者則吾身是願右面童者舍利弗是願左面童者大目捷連是舍利弗觀卿等本時懼生死難雖殖德本不能發無上正真道意心志怯弱欲疾滅度不能超速甫因吾法而得無為今寧觀吾諸通慧耶汝等之友為佛弟子乃得解脫以是之故當作斯觀假使有人欲疾滅度當發無上正真道意所以者何所言超速謂諸通慧莫能過者諦而無欺其乘第一普安一切羣生之類則諸通慧也為最微妙特尊無上為無等倫無有儔匹為無雙比無能出過無聖礙乘一切聲聞緣覺之乘所不能及是則名曰諸通慧乘佛時說斯大乘法典則一萬人發無上正真道意應時於彼諸大聲聞賢者舍利弗大目捷連大迦葉離

越阿難律和利分禱文陀尼子尊者須菩提  
 等自投于地替首佛足俱白世尊唯然大聖  
 若族姓子族姓女發大意者當供養之後微  
 妙解脫處至真行所以者何正使百千諸佛  
 世尊為吾等說諸通慧行不能堪任無有勢  
 力發通慧心一切慧者無所罣礙殊勝難及  
 惟八

寧令吾等犯五逆罪在於無間而不中止不  
 捨於無上正真道意而為聲聞所以者何設  
 犯逆罪墜于地獄受諸苦毒其痛會畢從地  
 獄出而不違遠無所罣礙諸通慧心計如今  
 者當何所施無所堪諧焚燒正真敗壞根原  
 於茲佛慧無罣礙智非是佛器譬如殄歿之

士無益親屬吾等如是以聲聞乘而志解脫  
 捨於一切無益眾生譬如地多所饒潤一  
 切羣萌二足四足若多足者如是世尊其發  
 無上正真道意天上天下蒙恩獲度

普超三昧經無吾我品第五  
 尔時世尊說斯本末向欲竟已王阿闍世乘

駟馬車將四部兵象車步騎往詣佛所替首  
 佛足右遠三市退坐一面向世尊曰唯天中  
 天衆生所住何所依因何緣而與何由得罪  
 佛告王曰以住吾我人壽命者衆生由此而  
 造罪疊依倚貪身與緣顛倒羣萌因斯而起  
 灾患又問其貪身者根源所在世尊答曰其

貪身者無慧為本又問其無慧者何所為本  
 答曰所念邪友則是其本又問所念邪友何  
 所是根答曰虛偽是根又問虛偽何所是根  
 答曰無實諸想是則為根又問無實諸想何  
 所是根答曰謂無所有無覺是根又問何謂  
 無有無覺答曰謂無生無有是謂無覺又問  
 惟八

不生不有當何計之數在何所答曰其不生  
 不有彼無有計又問狐疑之事何因緣起答  
 曰其狐疑者從猶豫起又問猶豫為何所是  
 答曰賢聖所說誠諦之語聞則懷疑斯謂猶  
 豫又問何所賢聖何言審諦世尊答曰其賢  
 聖者謂除一切愛欲諸見其審諦者知一切

法悉無所有

王阿闍世白世尊曰所謂賢聖無所有者實為虛偽世尊安住從己勞塵而造立之倚著於世聞諸賢聖所講說者而心猶豫獲不可計殃疊之罪我父世尊以無愆咎無所羈綴而危其命貪國土故惑於財寶迷于榮貴荒於產業耽利宰民而圖逆害持疑怵惕不能自寧若在歡會戲樂無娛若在中宮姝女熙遊若坐若卧有所決正若在獨處聽省國事處羣僚上晝夜憂悻不能捨却沉吟之結不飲飲食雖有美饌不以為甘其目昧昧所覩曹曹顏貌憔悴心恒戰灼所處不安畏壽終後墜于地獄仰惟如來其恐怖者能使無懼其盲冥者惠授眼目其沉沒者而拯拔之遭苦惱者使獲大安無所歸者而受其歸其無護者而為救濟其貧窮者給施財業其有病者消息療治其墮邪徑示以正路其在正路為興大哀其心忍勞不以為患等恤羣黎其

慈堅固究竟本末不以苦樂而有動轉如來所興救度眾生無所遺漏不捨一人私估世尊垂息安慰除其惶悚孤無有救惟為作救令飢渴者而得飽滿今已虛乏而欲躡地惟蒙扶接今無所歸願受其歸今已沉沒願加拯拔我身得無墮大地獄至于無擇唯然大

聖如應說法決我狐疑解散愁結令無猶豫使其重罪而得微輕

於時世尊而心念曰王阿闍世所說聰達而甚微妙所入之法甚為優奧其餘人者莫能堪任為決狐疑令無餘結其惟濡首能雪滯礙時舍利弗承佛聖旨謂王阿闍世欲辯疑

感當饌餉請濡首童真則當決王虛偽塵勞狐疑之結鎮安國土及與中宮受王牀榻眾諸供饌中宮姝女及諸侍從獲無量福羅閱祇城摩竭大國無數眾生皆享利義阿闍世王即前啓曰濡首童真唯加愍哀與其營從受小食食濡首答曰大王且止已具足供

於王法律未有是記受于衣服若食饌具希  
望加哀王則又白當何陳露呈現丹赤濡首  
答曰假使大王日聞深法殊特真義不恐不  
怖不以畏懷不以震懼不難不懼乃為加哀  
正使大王不想念法亦非無想無想不想如  
是行者乃為加哀縱使大王不想去心亦無  
不想不念來心亦無不想於現在心亦無所  
受乃為加哀設使大王不墮邪見亦不滅除  
亦無所見亦無不見乃為加哀王阿闍世又  
白濡首曰今之所說悉法所載惟見愍傷當  
受其請濡首答曰王當知之法律所載不以  
息施供養分衛食衣之饌若使大王不計有  
我不計有人不計有壽不計有命乃為加哀  
為受供施設使大王不自愛身不愛他身悉  
無所取乃為加哀假使大王不攝斂心不計  
因緣不在陰種諸入之事無有內法無有外  
法不受三界不度三界無善不善無得不得  
不處於世亦不度世無罪無福亦無有漏亦

第八

七

無不漏亦不有為亦不無為不捨生死不受  
滅度是為加哀王答曰唯然濡首吾當啓受  
如斯法義以是之故當就余請哀垂愍傷下  
劣徒類濡首答曰王當了之設使諸法所有  
倚者所有受者有所得者有所救護則不蒙  
哀不得至安如使於法有所著者而為想念  
有所立處而為放逸皆為依著想念有處放  
逸之護設使大王究竟望畢極至水安乃無  
有患如令大王復有所作則不荷哀不至安  
隱王阿闍世又問濡首曰受何所法而無所  
患至無所有濡首答曰若了空者而無所作  
亦無不作無相無願亦無有作亦無不作若  
使大王有所造立而為行者身口意行則是  
所作假令不有所作亦無所行以身口意而  
無所造則無所作是故大王一切諸法悉無  
有相其無所行無所有者則是其相又問濡  
首何謂所行而無所不行有所造亦無不造  
不增不減濡首答曰假能不念過去已盡不

念當來未至不念現在而無所起不想有常  
無常是為無行亦無不行其能等色於諸因  
緣而為眾緣不增不減又問濡首塵勞之欲  
為是道乎云何與合濡首答曰王意云何其  
日明者與冥合耶答曰不也日明適出眾冥  
眇滅王寧別知冥所去處乎在於何方積聚  
何所答曰不及濡首曰如是天王與道慧者  
塵勞則消不知塵勞之所湊處亦無有處無  
有方面以是之故當了知之道與塵勞而俱  
不合又等塵勞則名曰道等於道者塵勞亦  
等塵勞與道等無差特一切諸法亦復平等  
假使分別如斯義者塵勞則道所以者何以  
塵勞故現有道耳塵勞無形亦無所有求塵  
勞者則為道也王又問曰云何求於塵勞而  
為道乎濡首曰設有所求不越人心亦不念  
言是者塵勞是為道也以是之故塵勞為道  
其塵勞者亦入於道王又問曰云何塵勞而  
入於道云何為行濡首曰於一切法而無所  
作八

行乃為道行於一切法亦無不行是為道行  
王又問曰行道如斯為何歸趣濡首曰如是  
行者為無所趣王又問曰道豈不至泥洹乎  
濡首問王寧有諸法至滅度乎答曰不也濡  
首曰是故大王至無所至為賢聖道又問曰  
其賢聖者為何所處濡首曰其賢聖道則無  
所住又問曰其賢聖道不處禁戒搏聞之慧  
乎濡首曰賢聖戒者無有行相無放逸相為  
聖定意無所著相為聖定意無所念相為聖  
智慧王意云何其無所行無有放逸有所處  
乎答曰不也濡首曰以是之故王當知之無  
所住者則賢聖道王又問曰族姓子族姓女  
云何向道濡首曰假使所不求不覩法有常  
無常亦無所得不計諸法有淨無淨有空無  
空若我無我若苦若樂於諸法者亦無所得  
不見諸法在於終始若滅度者如是行者為  
向於道王阿闍世白濡首曰以是之故唯當  
受請因斯使余離諸顛倒令得解脫分別淨

行與諸眷屬而就宮食濡首曰向者說之悉無所有無有生者無有善哉與不善哉其無所有無有解脫耳解脫者則無所有亦無解脫亦無解脫者所以者何一切諸法皆自然淨爾時世尊告濡首曰受阿闍世王請以此之緣今無數人逮得利義至安隱度濡首童惟六

九

真見世尊勸則言惟諾當受其請不敢違失如來教故阿闍世王歡喜踊躍已見受請善心生焉誓首佛足及濡首童真一切聖眾便退還出請舍利弗濡首眷屬為有幾人舍利弗答曰五百人俱而當往就王入于城還於宮中即夜與設若干食饌百種之味施五百榻無量坐具而敷其上莊嚴宮殿懸繒旛蓋燒名雜香而散眾華及四衢路普一城內皆悉掃除灑以香汁令國人民男子大小莊校嚴飾寶持香華咸俱奉迎濡首童真普超三昧經摠持品第六於是濡首於初夜中從其室出而自念言吾

身不宜與少少人眷屬而俱就於王請今吾且當詣異佛土請諸菩薩皆令普聞講說經法斷諸孤疑就阿闍世王宮而食濡首童真如勇猛士屈伸臂頃忽然不見斯須超越八萬佛國至於東方常名聞界其佛号離聞首如來至真等正覺今現在說法為諸菩薩說清淨典其佛世界如來一時等轉六度無極自然遙達具足廣宣不退轉法其佛國上一切諸樹若干種華菓實茂盛每從其樹常自然出佛聲法聲不退轉輪菩薩眾聲是故世界号常名聞斯道寶聲常不斷絕故故曰常名聞

濡首童真詣離聞首佛所誓首足下白其如來唯然世尊遣諸菩薩與余俱往至于忍界詣阿闍世宮而就其請離聞首如來告諸菩薩曰諸族姓子與濡首俱詣忍世界從意所樂於是會中二萬二千菩薩大士同時發聲應唯然世尊我等願與濡首俱詣忍界



於是濡首與二萬二千菩薩從常名聞國忽然不現至於忍界自處其室濡首會諸菩薩大士而於初夜說總持法何謂總持所以總持統御諸法心未嘗忘所志無亂其心未曾有捨廢時學智慧業精覈諸法審諦之義分別正慧得果證者但文字耳度至寂然條列惟八

一切諸法章句攬賢聖要不斷佛教不違法命攝取一切賢聖之衆於諸經法部分典籍入於一切殊絕智慧不著衆會亦無怯弱遊步衆會宣揚經典無所畏憚出諸天音料簡明智於天龍神阿須倫加留羅真陀羅摩休勒究暢其音而爲說法出釋梵音覺了平正知諸根源識練邪見諸所立處總持觀察一切衆生根源所趣所住等心於世入法而不動轉具足一切真正之法隨其罪福報應果證而爲說法興發衆生之造志業立諸羣黎處于禁戒其慧普入爲諸烝庶代負重擔不以勤勞而有患厭解脫諸法本性清淨以斯

本淨而爲人演以本淨慧解脫道義慧無罣礙習設法施其心堅固未曾解倦有所說者無有疑結不貪一切供養利入而不忘捨諸通慧心力勵集累衆行慕靜布施無厭而每勸助於諸通慧禁戒無厭以斯勸化一切衆生忍辱無厭求佛色像精進無厭積衆德本

惟八一心無厭修行專精使無衆冥智慧無厭入一切行以道法業於此一切而無所生諸族姓子所謂摠持攝取一切不可思議諸法要義持諸法無所行無行故曰摠持又族姓子其摠持者攝持諸法何謂摠持諸法攬執諸法一切皆空攬執諸法一切無相攬執諸法惟八

一切無願離諸所行寂寞無形悉無所有亦無所覺亦無所行無有處所亦無所生亦無所起亦無所趣亦不滅盡無來無往亦無所壞亦無所度亦無所敗亦無所淨亦無不淨亦無所嚴亦無不嚴亦無所著亦無所有亦無所見亦無所聞亦無所志亦無所教亦無

有漏亦無想念亦不離想無應不應亦無顛  
 倒亦無滿足無我無人無壽無命亦無放逸  
 亦無所受亦無所取亦無殊特猶如虛空無  
 有名聞亦無所獲無所破壞亦無有二審住  
 本際一切法界一切諸法住於無本是謂摠  
 持又族姓子一切諸法譬如幻而悉自然

摠持諸法自然如夢自然如野馬自然如影  
 自然如響自然如化自然如沫自然如泡自  
 然如空分別諸法而如此者是謂摠持

漏首曰譬如族姓子地之所載無所不統不  
 增不減亦無所置不以爲厭假使菩薩得摠  
 持者則能利益一切衆生恩施救濟無央數

劫衆德之本至諸通慧而心摠持亦無所置  
 不以爲厭譬如族姓子於斯地上一切衆生  
 而仰得活兩足四足靡不應之菩薩大士得  
 摠持者亦復如是於羣生類多所饒益譬如  
 族姓子藥草樹木百穀衆果皆因地生假令  
 菩薩逮得摠持亦復如是便能興闡一切德

本諸佛之法譬如族姓子地之所載亦無所  
 置亦不憂感不動不搖不以增減菩薩如是  
 亦無所置不以憂感不增不減亦不動搖譬  
 如族姓子於斯地上悉受天雨不以爲厭菩  
 薩如是逮摠持者悉受一切諸佛典誥及語  
 菩薩一切緣覺聲聞之法餘正見士平等行

者沙門梵志一切衆生天上世間聞其說法  
 不以爲厭聽所說經不以爲倦譬如族姓子  
 地之所種皆以時生不失其節亦不違錯應  
 時滋長菩薩如是逮得摠持統攝一切諸功  
 德法不侵欺人亦不失時具足所行坐於佛  
 樹處在道場至諸通慧譬如族姓子勇猛高  
 士惟八在於邦域而人戰鬪降伏怨敵無不歸依

菩薩如是得摠持者處於道場坐於佛樹降  
 伏衆魔譬如族姓子檢一切法有常無常若  
 微妙者安隱非我及計無常及諸瑕穢及苦  
 非我所以者何惟族姓子以離二故則謂摠  
 持譬如族姓子虛空無不受持亦非摠持亦

無不持菩薩如是得揔持者攬攝一切諸法之要譬如族姓子一切諸法及諸邪見皆悉為空悉揔持之菩薩如是得揔持者無所不攬揔持如是救攝一切諸法之義是為族姓子計揔持者無有盡時以無有盡則無放逸以無放逸則處中間以等處者則無有身則處空界以如虛空虛空及地則無有二濡首童真說此言時五百菩薩得斯揔持普超三昧經三藏品第七

時濡首童真於中夜為菩薩大士講三篋藏菩薩秘典何謂菩薩篋藏秘要觀諸經法無不歸入於此篋藏若世俗法度世法有為法無為法若善法不善法有罪無罪法有漏無漏法悉來歸趣入菩薩藏所以者何菩薩篋藏經典要者曉了一切諸法之義譬如族姓子此三千大千世界百億四天下大地百億日月百億須彌山王百億大海悉包含入三千大千世界為一佛土如是族姓子若凡夫

惟八

十三

法及餘學法若聲聞法緣覺法若菩薩法及與佛法悉來入歸菩薩篋藏所以者何菩薩篋藏一切攝護聲聞緣覺將養大乘譬如族姓子其樹根株堅固盛者枝葉華實則為滋茂又族姓子設有攝取菩薩篋藏菩薩大士則為攝取一切諸乘將養一切眾德之法菩薩藏者名無量器所以名曰無量器者譬如大海受無量水為包含器不可計實諸龍鬼神捷沓和阿須倫加留羅真陀羅摩睺勒及眾主類在禽獸者含受此等為無限器菩薩藏者經典秘要亦復如是為無限施聞戒定慧度知見品以故名曰菩薩篋藏譬如含血之類生大海者以生於彼不飲餘水惟服海水菩薩如是行菩薩藏不於餘法有所造行惟常修行諸通慧義以故名曰菩薩篋藏又族姓子菩薩有斯三篋要藏何謂三一曰聲聞二曰緣覺三曰菩薩藏聲聞藏者承他音響而得解脫緣覺藏者曉了緣起十二所

因分別報應因起所盡菩薩藏者綜理無量諸法正義自分別覺又族姓子其聲聞乘無有三藏其緣覺者亦無斯藏有所說法菩薩究練三藏秘要因菩薩法而生三藏聲聞緣覺無上正真道故曰三藏菩薩說法勸化衆生令處三乘聲聞緣覺無上正覺是故菩薩名曰三藏有此三藏無餘藏學何謂爲三聲聞學緣覺學菩薩學何謂聲聞學但能照己身行之相緣覺學者是謂中學行大悲者謂菩薩學至無量慧攝取大哀其聲聞者不學緣覺之所學者亦不曉了其緣覺者不學菩薩所學亦不曉了又菩薩者悉學聲聞所遵學者皆曉了之不願樂彼亦不勸助修其所行學於緣覺所遵學者悉曉了之不願樂彼亦不勸化使修其乘又菩薩者學於菩薩當所學者悉曉了之願樂勸修其乘所行勸所行已則說聲聞所行解脫亦講緣覺所行解脫分別菩薩所遵解脫如是族姓子其有曉

惟八

十四

了此所學者是則名曰菩薩篋藏如琉璃器有所盛者應時一切示自然性如琉璃色如是族姓子菩薩假使入菩薩藏所可遊居於諸法者見一切法悉爲佛法菩薩假使入菩薩藏不覩諸法而有處所設有覺了諸佛乘者不見諸法之所像類其不學於菩薩學者則見諸法而有處所設學菩薩之所學者不見諸法而有處所設學菩薩之所學者不見諸法有所住處其不修行計斯一切皆爲自然如是族姓子假使菩薩入菩薩藏在在所行所遊諸法一切悉見諸佛之法假令菩薩入菩薩藏不見諸法有所像類設使曉了諸佛法者則亦不覩諸法之處學菩薩學不見諸法之所歸趣其不修觀彼則覩見一切諸法而有逆順一切衆生覩不順者菩薩皆見諸法順正覩於諸法無有一法非佛法者是故名曰菩薩篋藏

又族姓子菩薩藏者說無涯底文字所演順

而應時不可計量所立之處不可思議垂顯  
光明靡不通達無有邊際莫不照曜多所利  
益悉令歸趣於諸通慧而令羣萌悉樂無本  
假使有學於彼學者甫當學者一切悉當入  
此菩薩篋藏則至大乘已欲學者方當獲者  
其不至者悉使得至而令普入如是濡首為  
惟八  
十五

諸菩薩眾集會者在於中夜說菩薩藏經典  
秘要廣分別演義歸所趣

普超三昧經不退轉輪品第八

濡首童真復於後夜為諸菩薩大士廣宣講  
演不退轉輪金剛句跡何謂不退轉輪又族  
姓子所以名曰不退轉輪者如令菩薩說經  
法時若來聽者悉獲義歸不復迴還而便講  
說不退轉輪令其信樂不退轉輪菩薩行者  
不為眾生造若干行不為諸法修若干行不  
於國土興若干行不於諸佛起若干行不於  
諸乘行若干行一切所至而悉普見轉於法  
輪不壞法界是謂乃為轉於法輪是故名曰

不退轉輪彼所轉輪而無斷絕其輪修理無  
有二輪其輪如是如悲哀輪其輪所趣自然  
之義在已所至其輪所趣法界場輪又族姓  
子假使菩薩信樂於斯不退轉輪則得解脫  
己身之患則為信樂一切所信一切所想如  
來所興悉亦信之以信得脫於如來者無有

二脫亦不脫二如其如來相好解脫諸法之  
相一切法想信如來脫則無有相已離脫相  
則至自然濟于己身如是之行莫能脫者亦  
莫能踰於斯慧者是故名曰不退轉輪

又族姓子不退轉輪不退于色色自然故痛  
想行識亦復如是識不退轉識自然故所以  
者何則不退轉一切諸法猶如無本則為法  
轉是故名曰不退轉輪其法輪者無有邊限  
無維無隅無有斷絕無常輪故其法輪者亦  
無有門無有二故則法輪門其法輪者無能  
轉者無所轉故其法輪者亦無所說法輪無  
言故其法輪亦無名稱無所顯曜輪無獲故



舊蠲俱懸反甫音

普超三昧經卷第三

惟九

西晉三歲法師竺法護第三譯

變動品第九

爾時王阿闍世明旦早起詣濡首所而瞽首  
曰供具已辦時至可行賢者大迦葉晨朝夙  
興著衣持鉢與諸比丘五百人俱欲入舍衛

大城分衛於中路念吾行分衛時如太早寧  
可造見濡首童真適設斯念尋便往至則與  
濡首言談叙闊演說堅要濡首而謂之曰唯  
大迦葉晨何所湊答曰欲行分衛故來諮受  
濡首曰今當就吾食所設饌與眷屬俱吾當  
與仁分衛之具迦葉答曰供具已達吾以法

故而來至斯不以食饌又曰迦葉惟當受請  
供受二事大法供養飲食之饌亦不擇法亦  
不失食迦葉答曰鄙等之舉以用法故絕饌  
不食盡其形壽志存於法所以者何不從他  
人乃能得我如斯法門如從仁者所說正義  
又問今者濡首及諸菩薩為於何食濡首報  
曰吾等所食及施與者亦不長益亦不耗減  
不動生死不近泥洹亦不超度凡夫之地亦  
不證明賢聖之法不越聲聞不捨緣覺吾等  
當說彼之所請其布施者亦不淨除惠與所  
識不損而益不至解脫於諸經法亦無所與  
亦不得法亦無所釋迦葉答曰是為大施無  
極之施已入無本之所致也  
爾時濡首心自念言今日入城寧可如佛威  
動變化應時以眾神足變動三昧而為正受  
適以是定為正受時尋即一切於是三千大  
千世界普悉等住平若手掌普此佛國具大  
光明靡不周徧其在地獄遭苦患者即時休